



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1624. usque ad annum 1627

Fleury, Claude

August. Vind. [u.a.], 1778

VD18 90118863

§. 65. Jacobi I. Angliæ Regis obitus.

[urn:nbn:de:hbz:466:1-67369](https://nbn-resolving.org/urn:nbn:de:hbz:466:1-67369)

Sæc. XVII.
A. C. 1625.

§. LXV.

Jacobi I. Angliæ Regis obitus.

Ineunte Mense Februario Urbanus VIII. Pontifex Parisios concessæ veniæ diploma transmisserat, quin Jacobus I. Angliæ Rex nuptias Filii sui cum Ludovici Galliarum Regis Filia impletas cerneret; Mense enim Martio ad medium vergente acuta feбри correptus die vigesima septima ejusdem Mensis mortalitatem explevit, anno ætatis suæ quinquagesimo nono, Anglici Regni vigesimo secundo. Trahebatur in propinati veneni suspicionem Buchinghamus Dux, eo quod iterata vice emplastrum, ac potionem Regi inconsultis Medicis porrexisset. Toto, quo Jacobus regnabat, tempore in varias factiones scissa erat Anglia, ac inde orta est diversitas scriptorum etiam cœvorum, ex quibus unusquisque prout erga Regem affectus erat, affectus quoque sui impulsus secutus, Jacobi Historiam concinnabat: Hi enim, qui Regiæ parti adhærebant, hunc Principem humanioribus literis, Philosophicis, Theologicis, & Historicis disciplinis apprime excultum, pacis studiosissimum, liberalem, sapientem, sui que ævi Salomonem, ac Regiæ dignitatis Zelotissimum,

Hist. Eccles. Tom. LVIII. N. num.

*Thoyras hist.
d' Angl. l. 18.
Gram. Hist.
Gall. l. 13.
Conspir.
d' Angl.
pag. 148.*

Sæc. XVII. A. C. 1625. mum, probitati addictum, æquum & moderatum erga Catholicos, simulque suæ Religionis cultorem eximium prædicant. E contrario alii ejusdem doctrinam ad putidam scientiæ ostentationem & multa prompte, sed minus proficue loquendi facilitatem rejiciunt: non desunt, qui pacis studium timiditati, ignaviæ, ac immodico quietis desiderio, & liberalitatem vagæ, minusque discretæ profusioni adscribant. Alii concubium Filii sui, necnon Generi sui electionem in Bohemiæ Regem ex prudentiæ defectu ortum traxisse scribunt: Puritani quoque Jacobum carpunt, quod Anglici Regiminis ignarus, suæque Regiæ auctoritatis nimium cupidus, Successori suo principia in familiæ suæ ruinam tendentia instillarit, ac dissolutæ vitæ Princeps, vinoque deditus Comitis Essexii nuptias dissolverit, Sommerfeto homicidæ veniam dederit, atque innoxium Rallegum morti adjudicavit. Nunquam vero magis inter se differunt vitæ Jacobi Scriptores, quam dum de ejus Religione serunt judicia: nonnulli enim haud cunctanter asserunt, illum interius Catholicum fuisse, ac Protestantium sectæ duntaxat ex Catholicæ factionis metu adhæsisse, atque in Anglicanæ Religionis professione vixisse quidem, imo & immortuum,

tuum, suo Filio Ecclesiæ Clerique pro-
 tectionem commendasse, id vero illum
 non nisi dissimulanter egisse, suaque a-
 gendi ratione externo huic cultui re-
 pugnassee; præcipue, eo quod usque ad
 trigésimum sextum ætatis suæ annum
 in Scotia Catholicum sese professus, in
 quodam sermone ad Scotorum Prote-
 stantium Ecclesiam directo hæc effa-
 tus esset: *Grates ago Deo, quod me Re-*
gem Ecclesiæ totius Orbis purissimæ consti-
tuere, benigne voluerit. Quid est enim no-
va Ecclesia Genevensis Ejus Secta-
tores Paschatis leges observant &c. - - -
Quænam illis auctoritas in Dei Verbum
competit? ubi est eorum vocatio? Quan-
tum vero ad Ecclesiam Anglicanam nobis
vicinam, eorum cultus Divinus est scelerata
Missæ Anglico idiomate dicta, illorumque
Missæ nihil præter Hostiæ elevationem de-
est &c. Alii Jacobo nimium erga Ca-
 tholicos favorem exprobrant, eo quod
 palam se Papistarum Protectorem fau-
 toremque declarasset, illos ad honores
 & publica munia vocasset, ac subditis
 suis *tolerantiam* impense commendans,
 refragante Senatu suo ipse eam illis
 indulgisset, revocatis pœnis in Catho-
 licos *recusantes* itatutis, denique etiam
 in nuptiali pacto nullas deinceps leges
 contra Papistas latum, latasque suspen-
 sum iri spondisset, Papamque *Beatif-*
sumum

Sæc. XVII. *sumum Patrem, & Sanctitatem suam ap-*
A. C. 1625. pellasset, sui que Filii proles in Religio-
 ne Catholica educari concessisset: Econtrario non desunt, qui ob legum severitatem, ejusque libros contra fidem Catholicam, Bellarminum & Perronium scriptos hunc Principem Papistis infensum hostem, & Protestantium Religionis cultorem studiosissimum existiment. Ex hac igitur judiciorum diversitate luculenter patere videtur, quod hujus Principis genium, indoles, atque affectus præcipue circa Religionem nec ex quorundam Scriptorum elogiis, nec ex aliorum investivis dignosci valeat: in hac autem incertitudine haud temere ex scriptis, dictis, gestisque, quæ utriusque partis Scriptores concordi calculo de hoc Rege referunt, concludi posse videtur, quod hic Princeps nec verus Catholicus, nec verus Calvinista fuerit, sed sibimetipsi Religionis systema efformans, quamlibet Religionem approbarit, dummodo Hierarchiam stabiliret, Regesque omnibus auctoritate superiores statueret: inde etiam accidit, ut pro diversa rerum, temporis, commodique sui ratione nunc Catholicis, nunc Protestantibus faveret, imo utramque Religionem insuperhabita dogmatum contrarietate, quam ad Scholasticas quæstiones rejecerat, con-

cordare fatageret, dummodo Catholici ^{Sæc. XVII.}
despoticum Pontificis Imperium, quale ^{A. C. 1625.}
falso inter Catholicæ Religionis dog-
mata reposuit, Regiæ suæ auctoritati
inimicum abrogarent.

Ceterum Jacobus amplæ eruditio-
nis suæ monumenta posteris non pauca
reliquit, quæ Guilielmus Montacutus
Winthoniensis Episcopus, & Sacelli
Regii Decanus Londini anno Christi
millesimo sexcentesimo decimo nono
primis typis sub nomine *Operum Regio-
rum* edidit, ejusque Filio Carolo I. nun-
cupavit: In his autem continentur
primo *Paraphrasis in Apocalypsin*. II. *Pia
Meditatio in Apocalypsin, & capitis de-
cimi quinti versus ex libro tertio Regum*.
III. *Dæmonologia*. IV. *Institutio Prin-
cipis ad Henricum ejus Filium*. V. *Jus
liberæ Monarchiæ*. VI. *De Abusu Ta-
bacci lusus Regius*. VII. *Conspiratio Sul-
phurea*. VIII. *Apologia pro juramento
fidelitatis*. IX. *Admonitio ad omnes Prin-
cipes*. X. *Catalogus mendaciorum Torti*.
XI. *Protestatio Antivorstiana*. XII. *Re-
sponsio ad Epistolam Cardinalis Perronii*,
quæ tamen Isaaco Casaubono adscri-
bitur. XIII. *Varia Orationes in comi-
tiis habitæ*, denique. XIV. *Meditatio in
orationem Dominicam*.